

四庫全書

集部

欽定四庫全書

文苑英華卷九百六十一

宋

李昉等

編

雜一

王勣自撰墓誌一首

楊去盈墓誌一首

楊去溢墓誌一首

梁錡墓誌一首

陳明經元敬墓誌一首

高氏子墓誌一首

陳攷墓誌一首

自撰墓誌

王

勣

集作
續

王勳者有父母無朋友自為之字曰無功焉或問之箕

踞不對蓋以有道於己無功於時也不讀

集作聽

書自達

理不知榮辱不計利害起家以祿位歷數職而一進階

集作進一階

才高位下免責而已矣

集無此字

天子不知公卿不

識四五十而無聞焉於是退歸以酒德遊於鄉里往

往賣卜時時著

集作看

書行若無所之坐若無所據鄉人

未有達其意也嘗耕東臯世

集無世字

號東臯子身死之日

自為銘焉曰

有唐逸人太原王勣若頑若愚似矯似激院止三選堂
唯四壁不知節制焉有親戚以生為附贅懸疣以死為
決疣潰癰無思無慮何去何從龍集作頭刻石馬鬣

封哀哀孝子集作予子空對長松

楊集作從弟去盈墓誌銘

楊炯

古者黃帝軒轅氏沒帝嚳高辛氏作幼而徇齊長而敦
敏則天下之人用其教者百年忠肅恭懿宣慈惠和則
天下之人謂之集作稱其才者八子黃鳥旗而白魚躍集作燎

有周武之興王彤弓一而旅矢千有晉文之啓霸雖隱

集作出公遜位哀侯失國而文之昭也武之穆也司徒為

五教之官有社稷焉有黎人焉丞相臨萬機之職峭函
鼎盛赫奕於朱輪河洛台階昭彰於白玉積善餘慶信
而有徵國子進士楊去盈字流謙弘農華陰人也曾祖
諱初周大將軍隋宗正卿常州刺史順楊公皇朝左光
祿大夫華山郡開國公食邑本鄉二千五百戶唐虞之
稷契魏晉之裴王晏嬰可以事百君臯繇為之暮九德

麾蓋兵馬人知牧伯之尊名山大川蘊集作地積公侯之

氣王考諱安偽鄭王充遙集作通是授二十八將封鄆國公

尋謀歸順為充所害皇朝贈大將軍旌忠烈也陶謙雅

尚祖述雄心會天子之蒙塵見諸侯之釋位雖陳平去

就潛懷杖劍之謀而石勒凶殘遂及推牆之禍父某潤

州句容遂州長江二縣今朝散大夫行鄧州司馬文武

兼備清明集作白在躬一作體人無間言位不充量四方取

則孔宣父之踐中都百里非才龐士元之登別駕若夫

庭生玉樹身帶金鑲有衛玠之風神有張良之容貌蔣

琬之譏盛元

集作元

責在司空陳蕃之對薛勤志清天下

觀其昏定晨省立身揚名恠草薊其休徵神魚會其冥

感莊公獨歎聞穎叔之純深有道相推見茅容之盡禮

則閨門雍穆以孝聞也輔仁會友合志同方晏平仲之

善交鮑叔牙之知我張琪

集作琪

死日妻子唯托於朱暉

劉恢生平風月每思於玄度則朋友之德若蘭芬

集作薰

也朱穆好學中食忘飡譙周研精欣然獨笑張華四海

之內若指諸掌班固百家之言無不窮究鈎深致遠悅
丘墳也八音繁會五色章明動天地而感鬼神序人倫
而成孝敬陽臺並作楚襄王賜雲夢之田上林同時漢
武帝給尚書之筆則瓊敷玉藻未足多集作云也自攝齊
東序撰杖西膠唯集作推宰我之能言貴顏回之有德成
如麟角道尊於璧水之前翼若鴻毛俯拾於金門之下
方將咫尺宣室扈從明庭申賈誼之忠讜盡揚雄之規
諫豫章七載擢脩幹而聳長條有鳥三年搏積集作高風

而運滄海豈期數有迤否天無皂白苗而不秀秀而不實者蓋有是夫古人有言沒而不朽者此之謂也春秋

二十有六以上元三年五月二十二日歿集作終于京師

勝業里嗚呼哀哉至儀鳳四年十二月二日歸葬於華

陰之某原不忘本也山河鬱鬱松柏蒼蒼骨肉閉兮歸

后土魂魄遊兮思故鄉三荆搖落五都悲涼痛門戶之

無主悼人琴之兩忘嗚呼哀哉其其字集作乃為銘曰

高集遠蹠濁涇集作河清渭天子諸侯司空太尉星辰鼓

舞山澤通氣道在者尊德成為貴賈家五虎

後漢黨錮傳賈彪兄

弟三人並有高名天下稱賈氏三虎五當作三

偉節最怒荀氏八龍慈明無雙

劍光冲

集作侵

斗壁氣浮江據於道德依

集作聞

於邦家子

之丞親温席扇枕子之友悌同興共寢朝歌不入盜泉

不飲垂露崩雲繁絃縟錦明經太學射策鴻都揚名

集作

對揚天子高揖司徒鱗翮將運波濤不虞子之

集作奈何喪也

良可悲夫瞻望不及佇立以泣唯見黃埃心傷以摧躑

躅兮徘徊嗚呼兮哀哉長夜漫漫何時旦魂兮魂兮歸

去來

楊

集作從弟

去溢墓誌銘

前人

處士弘農楊去溢年二十即華山公之曾孫大將軍之孫朝散大夫鄧州司馬之第四子也維嶽有五有華山之金石馬山阜相屬合集作合谿懷谷所以鎮其南也維

瀆有四有河宗之玉壁焉波瀾

集作潮波

汨起洄洑萬里所

以經其北也言其土地則巨靈之高掌遠蹠作西漢之城池叙其衣冠則太尉之四代五公為東京之柱國然

後積勲累德枝分葉散大君有命臨夏日之壇場天子

動容聽秋風之懿範

集作金鼓

是以熊羆入兆羔鴈成羣黃

憲之名聞於海內陳蕃之志掃於天下羣童忽聚逢苦

李而懸

集作先

知賓客相過問楊梅而即對善父母為孝

善兄弟為友居家可移之道也利者義之和貞者事之

幹元亨日新之德也若夫節陵遺策汲冢殘書倚相之

八索九丘張華之千門萬戶莫不山藏海納學無所遺

至如白雪迴光清風度曲崔亭伯真龍之氣揚子雲吐

鳳之才莫不玉振金聲筆有餘力遠心天授高興生知
盡江海之良圖得烟霞之秘笈貞不絕俗從容於名教
之場道由人弘坐卧於羲皇之代于時朝廷之上山林
之下英儒瞻聞集作之士洪筆麗藻之客希末光而影
集聽餘聲而響和者猶藩籬之望天地鱗介之宗龜龍
也嗟乎陰陽為道大道無亭毒集作之心禍福唯人聖
人有抑揚之教智焉而斃仁焉而終今也則亡歎顏回
之短命死而可作冀隨會之同歸文不在茲乎天之將

喪也以某年某月某日終於某所越儀鳳四年十月二
日歸葬於華陰之某原林野彌望關山寥廓稚童牧豎
孟嘗君之池臺一去千年丁令威之城郭悲纏於魯衛
痛深於花萼姜肱沒齒無因共被之歡鍾毓生平非復
同車之樂嗚呼哀哉乃為銘曰

叔虞建國天錫之唐伯僑受氏食采於集作楊五侯簪

黻四代軒裳有德有行如圭如璋乃生男子初集作寢

之牀從公小大辨日炎涼天下之實邦家之光神鋒太

俊旗鼓相當事親以禮左右無方交

集作友

朋以信芝蘭

有芳文犀健筆白鳳彫章鵬鷄齊致江湖兩忘謂天輔

德則惟其常臧我吉士于何不傷闕山搖落洲渚蒼茫

黃塵匝地白露成

集作為

霜左右刮骨親賓斷腸摧殘玉

樹埋沒金鄉交交黃鳥爰集于桑命不可贖人之云亡

從甥梁錡墓誌銘

前人

故右衛率府翊衛安定梁錡年三

集作二

十有八以上元

三年秋八月某日終于某所圖其

闕

天有大梁之星

辨其物土地有大梁之國考其衣冠人有大梁之姓綜

乾坤而列位兼水木

集作土

而成文業耕織而樂琴書有

梁鴻之雅尚生封侯而死廟食有梁竦之雄圖西山求

白鹿之仙東海受黃蛇之寶曾祖某光祿大夫開府儀

同三司驃騎將軍清河太守右衛大將軍同州刺史上

柱國郡守旁通於日

集作月

建儀同上法於太階光祿大

夫下大夫之職驃騎將軍大將軍之比祖某河南澠池

令鄭州司功參軍事冀州蒲州二府

集作州字

司馬朝散大

夫紀王府司馬襄州同州二長史仲由宰邑蕭何主吏
桓温之徵謝奕暫為司馬之官周景之禮陳蕃仍降題
輿之命考某國子學生霍王府參軍并州大都督府兵
曹揚州大都督府錄事參軍仲尼閑居曰參不敏天子
命我參卿軍事張常山之福應直保金鈎謝太傅之閨
門唯生玉樹所以圓光折水真集作直氣衝天孩笑之時
見之者知其孝友能言之際聽之者許其集作以聰明審
清河管輅之天文對江夏黃童之日蝕揮其勁翮則鳳

鳳飛鳴

集作
鳴舞

於赤山整其蘭筋則駿馬騰驤於綠

集作
陸

地若夫神龍負卦瑞雀銜書安釐王汲冢之文穆天子

羽陵之籍莫不因條報葉望表知裏鄭玄殫見覽萬卷

之八千班固洽聞涉五經之四部至如凋弧夜月筋力

集作
角三才鐵劍秋霜烟雲五色莫不推之以智勇成之

集作
於揖讓歷諸侯而說劍直之無前引司馬而操弓

觀者如堵可謂多材天縱盛德日新

闕

於詩書

翁歸兼

集作
自

強於文武由是交通遂廣聲名益振朱家

大俠滕公有然諾之言劇孟過人衣盜有逢迎之禮及

其從微至著資父事君籍集作策丹書之勲業叅黑衣之

行伍神一作位宮海外瞻鏤榜於明山太室雲端聽集作奏

仙簧於洛水翊鸞馳道周廬甲觀方當奉詞出使萬里

行封受命忘身三軍拜將豈期年歲朝露浮生過隙漢

逸人之雅操命也如何魯司寇之知言苗而不秀嗚呼

哀哉望吾子者空懷倚廬之歎嗟余弟者獨有忘琴之

悲從日月於龜謀考圖書於馬鬣集作老圖越以儀鳳

書於鳥逝

三年春二月某日甲子葬於某所悲夫吾見其進由來
孔李之家吾謂之甥實曰何劉之族陽元既歿瞻舊宅
而無成康伯不存對玄言而誰與其銘曰

山河帶礪金木精靈磊磊

集作鬱鬱

千丈森森五兵駢驂面

掖出入東明人壽無幾皇天不平碑留郭泰挽送田橫
終寂寥於相宅空嗟歎於佳城

陳明經

文粹作我府君有周居士文林郎陳公

墓誌文

陳子昂

公諱元敬字某其先陳國人也五世祖太樂梁大同中

為新城郡司馬生高祖方慶方慶好道得墨子五行秘

書白虎七變法遂

集粹無此字

隱於郡武東山生曾祖湯湯

為郡主簿湯生祖通通早卒生皇考辨為郡豪傑公河

目海口

頷集作驚文粹作欽後漢周欽頤注欽或作頷立凡切

頤虎頭

文粹作頤

性英

雄而志尚玄默羣書秘術集粹作學無所不覽年弱冠早為

州閭所服者老

文粹作長

童幼見之若大賓二十一鄉貢明

經擢第拜文林郎屬憂艱不仕潛道育德穆其清風邦

人馴致如衆鳥之從鳳也時有決訟不取州郡之命而

信公之一言四方豪俊望風景附朝廷聞名或以君為

西南大豪而不知深慈恭懿敬讓以為德二字文粹作得也州

將縣長時或為集作陳議青龍癸未唐歷云微公乃山棲

絕穀放息人事餌雲母以怡其神居十八年玄圖文粹作圖

大集作天象無所不達嘗宴集有然字坐謂其嗣子子昂曰吾

幽觀大運賢聖生有萌芽特發天下乃茂六字集粹作時發乃茂

不可以智力圖也氣同萬里而遇合不同造膝而悖古

之合者百無一焉呼嗚昔堯與舜禹合天下得之四百

餘年湯與伊尹合天下歸之五百年文王與太公合天

下順之四百年幽厲版蕩天紀亂也

文粹無此字

聖賢不相

逢

文粹有也字

老聃仲尼淪溺溷世不能自昌固有國者享

年不永彌四百餘年戰國如磨

集粹作廉

至于赤龍赤龍之

興四百年天紀復亂劉石擾亂中原賢聖淪亡至於

文粹

有今字

四百年矣天意其將復周乎於戲吾老矣汝其志

之太歲己亥享年七十有四七月七日己未隱化於私

宮集作館

孤子子昂愚暗

集粹作昧

鞠然在疚不知所從乃祇

馴聖人卜宅之義是歲十月己酉遂開拭舊塋奉寧神

於此山石佛

文粹作山

谷之中岡也銘曰

賢者避地邈其如

集粹無此字

往鳳兮鳳兮誰能象兮嗚呼

我君懷寶不識

集粹作試

孰知其深廣兮悠悠白雲自怡養

兮大運不齊聖賢同

同字集作岡字

兮南山四君不遭漢天子

固亦商丘之遺壤兮

集有此十五字文粹英華並無

高氏子

集作上

墓誌銘

前人

維唐垂拱二年太歲景戌七月二十日瑒子高氏卒焉

集無馬字

嗚呼哀哉含瓊敷而不玉實者有矣夫吾觀顓元

機化出入天壽之數榮落之原皆一受而不易者已悲

夫古人之仁懿中庸不幸短折

集作命

今復見之於高子

矣高子渤海蓀人也黃州府君之幼孫宛州府君之叔

子天

集無此字

生而岐嶷實覃實晬

集作華

越在襁褓神明滋

茂童蒙淵敏光潤玉顏八歲始教方書受甲子已知孝

悌之道詩禮之規宛丘府君鍾愛之他日嘗趨庭與諸

兒戲神清涵泳綽然如鴻雛鵠子有青雲之意也府君

美之曰能光我家者此兒十五通左氏春秋及尚書淵

塞

集作
騫非

之志日新宏大矣不幸享年十七遇暴

集無
此字

疾

而天嗚呼哀哉宛丘府君感慟哀過於禮曰不恨爾壽

之不長惜爾器之不彰天何苗育今也則亡嗚呼吾將

老矣爾遠何哉其年七月殯於家園日月云祖六載于

茲矣天授

集作
鳳非

二年龍集辛卯府君方大崇元域以安

先兆諸子之樞皆附焉其年二

集作
一非

月癸卯朔十八日

庚申啟殯歸瘞於大塋禮也銘曰

來不可遏去不可止唯死與生由生與

集作以

死於戲殤

子噫何往矣傷慈父之肝情獨冥冥而長已死而有知可也若其無知悲爾

陳

集作堂弟

孜墓誌銘

前人

君諱孜字無怠其先陳國人也五代祖太樂梁大同中為本郡大司馬生高祖方慶屬梁亂始居新城郡武東山生大父湯為郡主簿大父生曾祖通

集作迥非

早卒通生

皇祖辨少習儒學然以英豪剛烈著聞是以名節為州

國所服皇祖生考元爽保食

集作植

先人茂德降生於君

君幼孤天姿雄植英秀獨茂

集作邁

性嚴簡而尚倜儻之

奇愛廉貞而不拘介獨之操始通詩禮略觀史傳即懷

軌物之標希曠代之業故言不宿諾行不苟從率身克

己服道崇德閨門睦

睦字集作穆穆

如也鄉黨恂

集疊恂字如也

乃雄以濟義勇以存仁貞以立事毅以守節獨斷於心

每若由己實為時輩所高而莫敢與爭倫

二字集作倫也

以是

鄉里長幼望風而靡邦國賢豪聞名而悅服方謂拂羽
喬木緬昇高雲而遭命大過棟撓而殞嗚呼天咎予乎

時年三十五是歲龍集癸巳有周天授三年

集作二年
按唐書天

授三年四月改元長壽是歲
壬辰長壽二年乃是癸巳

秋七月卜地

集作兆

不吉權

殞於真諦寺之北園始以今甲午歲獻春一月乙酉朔

二十五日己酉寔於石溪山之北岡陪考域

集作墳

也君

家世墳壠在武東山昭穆崇封松栢成列

集作列盛

至若

集無

此君考遺令獨愛石溪之岡故君從先志祔葬于此嗚

呼哀哉始君伯父海內之文人也含紀綱集作純綱之德有

高代之行每見君歎曰吾家世雖儒術傳嗣然豪傑英

雄季世不泯

集作豪英雄秀世濟不泯

常懼後來光烈不象先風每

一見爾慰吾家道實謂君有逸羣之骨拔俗之標超山

越壑可以駿邁也豈其天絕喪茲良圖嗚呼其元命歟

遭命歟天不佑

集作忱

歟道固謬歟大圓蒼蒼大方茫茫

聖賢同此之於爾

三字集作爾之

何傷古人有言珠玉瘞之

集作

瘞是

闕

於中原况吾家道尚儉名訓未墜封樹之禮

吾敢過馬是用錫爾瓦木之器塗芻之靈堯舜之典忠
孝之經昭示後代以安爾形銘曰

我祖之歲蕤兮邈於陳緬遙裔兮此江濱集作五代崇

光兮至夫君徽烈英曜兮始氛氳集作何意嚴霜兮降芬藍

青春玉樹吹落兮成黃塵南山無隙兮水幽淪悠悠昭

代兮非集作爾辰吾慟感傷兮哭集作蒼旻問之著策號

兮立茲墳乃言十歲集作兮冠集作來臻黃頭之子白冠非

眼集作人嗚呼集作黃頭兮勿傷神嗟爾

欽定四庫全書



大宛英華

文苑英華卷九百六十一

欽定四庫全書

文苑英華卷九百六十二 宋 李昉等 編

雜二

張處士恪墓誌一首 徐氏子巖墓誌一首

殤子韋八墓誌一首 鄭處士稷墓誌一首

李儻墓誌一首 殤子穆若愚墓誌一首

裴處士墓誌一首 侯處士高墓誌一首

鄭君子挽墓誌一首 駱處士峻墓誌一首

盧秀才需墓誌一首 龔進士軫墓誌一首

處士張府君墓誌銘

張說

府君諱恪其先晉人晉有張老韓有開地漢有留侯侯
八代孫皓為司空司空子宇為北平太守遭漢亂離家
於范陽至玄孫華復為晉司空遇難子孫南渡其處者
或寓於蒲坂周齊間有歸者因從一有徙字焉君晉司空十
一代孫也曾祖徵君諱子犯祖河東郡從事諱峻集作俊
父道通館學士諱弋德音遺範詳諸家牒君孤紹單門

傍無兄弟苗而不秀未仕而卒道未融於邦國位未揚於王庭故老之口浸遠好事之書又闕是後生不得預聞焉哀哉嗣子晉州洪同丞隲襁褓線麻育於舅氏夫人隴西董氏常州長史雄之女也早年守義唯鞠一子嚴而有檢勤而善訓成先人之丕烈貽後嗣之積善徽太夫人德則張氏幾將墜焉開耀元年十二月二十七日終于集作於廊城縣世婦馮氏之別業春秋七十有二先君之違世也太夫人在堂大門闕殯日月逾邁有志

未從是諸孫疾馬若履淵谷以景龍三年歲次己酉冬
十月二十六日克葬王父王母於蒲坂東司空之村成
先志也銘曰

綿綿王父續我靈基幼而植德人莫知之烈烈王母克
明克類教成嚮子光我族嗣中條之北大河之東丘陵
桑梓鬱鬱崇崇千年啟室百歲來同永惟先志欽成厥
終

徐氏子墓誌銘

前人

徐氏子者名巖字某司封員外郎堅之第四子也驥子
睨雲風毛洗日孝友因性聰敏若神置在膝前已會星
辰之氣戲于床下能記賓主之詞及總角成童精意好
學聞一知十升堂觀與下筆成章而倫要發言為論而
卓詭識者咸謂增世構之崇蘊益源流之洪潤雖甘茂
之孫十二飛辯班彪之子九歲能文不尚之也天乎何
辜顏淵無命年十有三歲大定元年九月遭疾而沒嗚
呼哀哉琬月始生不見其盈瓊枝方秀不見其茂悲哉

銘曰

生日何淺死路何深珠碎朧月花殘稚林哀哀父母孰
處其心

殤子韋八墓誌

獨孤及

殤子河南獨孤氏小字韋八以其弱而未名也故以字
稱北齊司空行臺尚書令臨川郡王之七代孫有唐安
南郡長史府君之曾孫潁川郡長史府君之孫左驍衛
兵曹參軍公之元子秘書省著作郎京兆偉

偉集字
作韋儻之

甥生有奇表温朗明

集作明

聰秀覃許於保姆傅婢之手疑

然異於凡童氣閑體和取與必時諸父諸母每謂興我

家者必此兒也賓客之至者看玉人不暇儻蒙

集無此字假

以壽命則成器致位未易度也不幸多病大歷六年歲

次辛亥

集作丑非

十二月二十二日夭於舒州壽至

集作止

五

歲三

集作四非

十甲子長幼惋毒六姻悼惜嗚呼天將不昌

吾後裔乎不然曷使此孩不至於

集作于

成歟大歷八年

夏四月十六日以其喪歸葬洛陽祔于王父

集有宅兆母字

之側其仲父銜涕書其始終紀于墓云

此篇誤編在九百六十六卷婦人門今移於此

鄭處士墓誌

梁肅

歲在戊午六月戊子處士滎陽鄭君卒于常州福業寺
庚寅權窆于某鄉原嗚呼處士之為人也入則孝出則
悌直而不犯柔而不懾好讀周易及太史公書嘗遊於

集無
於字

南巢作弔夏桀文其辭甚典

集作正
一作工

足見其質嚮

使天假之壽與之祿則其道可熾坎壞世故行年三十

三

集作二

而天哀哉處士諱稷故酸棗令某之孫今黃巖令季江之子故吏部侍郎贈左僕射齊公澣之外孫也合内外之休德成中和之茂行使夫生不得其辰沒不見其親託遺骸於他土顧稚子而未識痛矣夫斯命也於是書石以誌卒葬且懼年祀超忽故月而日之

李儵

集作隴西李君墓誌

前 人

君諱儵姓李氏隴西成紀人涼武昭王玄盛之後曾祖如順皇朝太子洗馬生大父元恭開元中以文學政事

歷大理卿判尚書吏部侍郎侍郎生烈考訥官至太府

寺丞君承家

集作夙承

休緒少有令聞孝敬仁順弘毅貞亮

非禮不言見善必行行有餘力則覃思六經揭厲百氏

是故淳秀之氣播為文章發於事業難於進易於退道

不苟行位不虛受常州刺史獨孤公及之臨舒城聞而

悅之辟為

集作如非

從事府遷於常州君亦至焉獨孤公文

德為天下望君入則從容討論出則勤慮政事議者以

君建大名致厚位必自此始不幸短命享年若干以大

歷十二

集無此字

年春三月甲子寢疾而沒焉

集無此字

嗚呼天

與之才天

集無天字一本作又

與之器不與之壽不與之位天何

言哉君娶范陽盧韶女一子越在襁褓哭泣無主其仲

兄武進尉迅銜天倫之哀謀及卜筮以是月既望抱其

孤送君之喪權窆于正勤佛寺之北原時不利不克反

葬

集作喪

故也友人安定梁肅紀其終始德善著于石俾

來者有以知君子之墓云

殤子穆若愚墓誌

穆 員

穆若愚唐秘書監新安公之孫前御史中丞公之第五子貌宜貴壽神宜才藝氣宜淑哲生七年而夭痛莫如之時諸父不天方集荼蓼一慟之外且相諭曰老氏謂身為大患然則人之生也適與患並男子既齒以往患於是始此子也生無有生之患沒有無患之樂

一作生無生之

患莫無歛然與大化潛契曠然與太古為鄰齊彼彭聃

死之患

為歸坏土命也如何偃師首陽山之北原吾祖宗之所宅翌日遷祔於先府君之後又翌日窆焉貞元十一年

六月二十五日叔父員記

裴處士墓誌

前人

唐貞元四年春正月員太夫人惟杜氏西階之事命長子貲咨於家君習於卜筮展孝思於罔極抒孔懷於同氣躬備如新之庶物洎一日二人之具授從父之弟湊浮舟于河啟殯于淇二月癸巳舅氏奉我外王父朝城府君王母豐縣君劉氏洎伯舅之喪至自衛先是卜兆于偃師首陽山之北原壬寅遷朝城豐君歸於貞宅伯

舅柎馬伯舅諱浩字某皇朝并州石艾縣丞文行曾孫
絳縣令玄度孫魏州朝城令翔之第二子也孝弟篤實
可移於事君肅恭信順可施於有政行成於進而名未
之歸學優於用而祿未之及天寶末天下亂藏於衛州
之別墅昏氛四塞豺虎狺狺行無所從退迫啞啞殷憂
不壽發疾而終時至德三年二月二月春秋三十有五
夫人京兆韋氏挈未童之孤孫是逃鋒刃保朝夕之不
遑而踰月之禮蓋闕乃於其所殯焉我慈親念羈魂之

靡託者心不忘痛永言改葬與大事俱世道多故坎壈未集嗣子佐餘力能學含章而文仕潤州參軍杭州司田越在東南計之靡及夫人後元年棄養於潤州官舍將謀同穴蓋時趣道遠如佐之不至且俟佐焉然則夫人之家聲美行請讓於來者之誌銘曰

嗚呼沒而無知也盡我慈親之情成爾孝子之志而已矣如有知也父母與子相見泉隧其樂融融其樂洵洵彼美家室昔如琴瑟他年令嗣祔玄堂使我長夜覩白

日

處士侯君墓誌

李翱

侯高字玄覽上谷人少為道士學黃老練氣保形之術

居廬山號華陽居士每激發則為文達意其高處駸駸

乎集有字漢魏之風性剛勁懷救物之略自儕周昌王陵

所如固不合視貴善宦者如糞溲與平昌孟郊東野昌

黎韓愈退之隴西李渤濬之河南獨孤朗用晦隴西李

翱習之相往來汴州亂兵士殺留後陸長源東取劉逸

淮乃作弔汴州文投之大川以訴貞元十五年翱遇玄覽於蘇州出其詞以示翱翱謂孟東野曰

蜀本有
我字

誠之

至者心上通上帝聞之劉逸淮其將不久後數月而劉逸淮竟死其首章曰穹穹與厚厚兮烏憤予而不攄翱以為與屈原宋玉景差相上下自東方朔嚴忌皆不及也達奚撫為楚州起攝盱眙祭酒李公遜刺衢州請治信安其觀察浙東又宰于剡三縣皆有政不幸得心疾留其子狗兒於翱家而歸廬山不到卒於江西其子婿

王適使傭吉勉求君所如蜀本知值君卒吉勉以君喪殯

於襄州之野而復於適適又死適之妻使吉勉來告於
翺翺以狗兒歸適妻居二年適妻又死狗兒尚童翺慮
吉勉之短長不可期則君之喪終不墳矣故使吉勉往
葬之而識其墓以示狗兒

有唐君子鄭公墓誌銘

歐陽詹

貞元十一年歲在乙亥某月日清源郡晉江縣君子鄭
公年若干終于其居州閭親識遠近漣涕重吉人也嗚

呼杞梓植於深林雖人不知不妨其為天下之材也珠玉碎於重泉雖人未玩不妨其喪天下之寶也公之生則深林之材公之沒則重泉之寶不知而有未玩而亡

哀哉公諱晚字秀

集作季

實其先宅滎陽永嘉之遷遠祖

自江上更徙于閩今為清源晉江人曾祖某官祖某官父某官太夫人同郡潁川陳氏育者三男三女公則長男也自七八歲則明敏嚴潔無復童心洎十二三則溫良貞亮有成人之德既冠儀表可觀孝悌惠和侔於前

哲人望無間時譽皆歸鳳不近腥龍多自盤優遊仁里

四十不試詹有若如

集無如字

人之妹獲配於公公太夫人

早亡

集作世

妹不逮事則見公霜露之感蒸嘗之敬公尊

府君近捐甘旨妹及同養則見公晨昏之愛線斬之至

奉公居閨門鄉黨者十有五年故

集作顧

詹於公善良內

外兼得受命不永其如命何蘭芳

集作芬

蕙馨或亦中敗

惜哉子二人皆幼公在日名之曰彥文彥章詹既在京

師不遂撫慰來人有述實孺能號妻亦聞哀有過人禮

不逾制定

集作
寔

取遠日堂殞三年以貞元十三

集作
年

某月日永厝于郡城東偏闈儒里常熟湖之北原禮也

妹有遠告咨余題誌既忝親

集作
貞

懿實舊知人江嶺則

遐想像不昧取斯

集作
思

芳茂為寄銘墓誌云

集作以
寄為銘

曰

有斐秀

集作
季

實君子之禎忠信溫良自幼而行少不改

任長更推誠材植遠林實產遐壤無知無玩自生自喪

骨肉歸上用瘞斯原嗚呼斯原永棲君子之魂

駱處士墓誌

杜牧

灞陵駱處士名峻字肅之華州華陰人也當建中四年

年二十遊京師值泚亂為其黨源休拘委以軍

集無此字事

處士逸一日夕行二百里拜親於華陰因啟度賊終不

能東出百里間鄉里不足憂願得一見天子於艱危中

遂入奉天至漢中屢以兵食干執事者後長安李懷光

踵叛關中公私饋李馬渾兵十餘萬計日餉食有司因

請授處士岳州巴陵尉繫職於饋運間後四遷至揚州

上作士曹參軍至元和初以母喪去職哀哭濱死終喪

因曰汙音駢吾跡二十餘年食豐衣鮮以有養也今可以

行吾志也乃於灞陵東坂集作坡下得永集作水樹以居之

相國杜公黃裳在蒲津相國張公弘靖在并州大梁渾

尚書鎬在易定潘侍郎孟陽在蜀之東川司徒薛公萃

集作革疑作革在鄭滑皆挈卑詞幣馬至門曰處士不能一起

助我為治乎皆以疾辭長慶初桂府觀察使杜公凡兩

拜章乞為梧州刺史詔因授之衆皆曰今黃家洞賊熾

邕容兵連敗縮首不出猶鼎鑿耳交趾殺都護復早亂
相仍朝廷豈捐此三處不以公治之而反置公為梧守
耶處士慘而讓祇以疾辭解訖不言其他爾後人知其
堅不可復動矣田三百畝果蔬占其一粹墾辛苦不受
一人錢惠朝之名士多造其廬未嘗以栖退超脫之高
露於言色溫敬畏下如勇於仕進者論及當代利病活
人綏邊之策必疊疊盡吐莫達於在位者至於安危機
鍵之語默不出口尤不信浮圖學有言者必約其條目

引六經以窒之曰是乃其徒盜夫子之旨而為其詞是

安能自為之善圖山水狀鑒者比之朱審王維之儔鄉

里百家鬪訟集作訴吉凶一來決之凡三十六年無一日

不自得也以會昌元年十一月某日卒年七十九以某

年月日歸葬於華陰縣先人之墓處士常曰相國劉公

晏不急征不橫賦承喪亂集作亂之餘食數十萬兵者二

十餘年斯過蕭何遠矣每長短校量今古富人強國之

術我烈祖司徒岐國公丞相趙國公李公當貞元元和

時儒學術業冠天下每與處士語未嘗不嗟嘆其才恨其尚壯不可屈以仕優禮接之嗚呼賢哉銘曰

不見可欲使心不亂古之作者窮栖自斷作子伯子至

王霸夕臥向栩相趙馬良車煥子夏高弟心中交戰處

士之居洛集作落青門畔文駟連羈繡軒集作軒交貫危冠

自喜戲音前集作首縈後絆言訖揖去一如不見我齒未衰

誰為知集作已知岐公主師見必迎喜語必移時論兵計

食屈指無遺功名富貴不能鈞集作鈞之諸侯六辟南服

一麾笑而不答亦無是非三百畝田百實滋繁

集作三
繁滋

十六年食具衣完人

集作
今

其去矣誰知其端嗚呼賢哉

范陽盧秀才墓誌

前人

秀才盧生名霈字子中自天寶後三世

集作
代

或仕燕或

仕趙兩地皆多良田畜馬生年二十未知古有人曰周

公孔夫子者擊毬飲酒馬射走兔語言習尚無非攻守

戰鬪之事鎮州有儒者黃建鎮人敬之呼為先生建因

語生以先王儒學之道因復曰自河而南有土地數萬

里可以燕趙比者百數十處有西京東京西東

集作京是有

天子公卿士人畦居兩京間皆億萬家萬國皆持其土

產出其珍異時節朝貢一取約束無禁限疑忌廣大寬

易嬉遊終日但能為先王儒學之道可得其公卿之位

顯榮富貴流及子孫至老不見戰爭殺戮生立悟其言

即陰約毋弟雲竊家駿馬日馳三百里夜抵襄國界捨

馬走行徑入王屋山請詣道士觀道士憐之置之外門

廡下席地而處始聞孝經

集作開孝經

論語布褐不襪粹草

為茹或竟日不得食如此凡十年年三十有文有學日

閑習人事誠敬通達汝洛間士人稍稍知之開成三年

來京師舉進士以

集作於是

羣輩中酋酋然凡曰進士知名

者多趨之願與之為交生嘗曰丈夫一日得志天子召

坐於前以笏畫地取山東一百二十城唯我知其甚易

耳因言燕趙間山川夷險教令風俗人情之所短長三

十年來王師攻擊利與不利其所來由明白如彩畫一

一可以目覩開成四年客遊代州南歸某月某日於晉

州霍邑縣界晝日盜殺之京師名進士聞之多有哭者
資其弟雲至霍邑取生喪來長安以某年某月某日葬
於城南某縣某鄉某里其所資費皆出於交游間曾祖
昌嗣涿州刺史祖顓集作顓易州長史父勸鎮州石邑令
某常以生之才節薦生列集無列字於公卿間聞之死哭之
因誌其墓

進士龔軺墓誌

前人

會昌五年十二月收自秋浦守桐廬路由錢塘龔軺袖

詩以進士名來謁時刺史趙郡李播曰龔秀才詩人兼

善鼓琴因令操流波弄清越可聽及飲酒頗工集作章

程謹雅而和飲罷收南去舟中閱其詩有山水閑淡之

思後四年守吳興因與進士嚴暉言及鬼神事嚴生曰

有進士龔軺去歲來此晝坐客館中若有二人召軺者


軺命馬甚速始跨鞍馬驚墮地折左脛旬日卒余始了

然憶錢塘見軺時徐徐尋思如昨日事因知尚殞于野

乃命軍吏徐良改葬于卞山南去州城西北一十五里

嚴生與輅善亦不知其鄉里源流故不得記嗚呼胡為
而來二鬼驚馬折脛而死哉大中五年辛未歲五月三

集作
二 日記



文苑英華卷九百六十二

欽定四庫全書

集部

文苑英華卷九百六十五

三五

詳校官庶吉士臣龍廷槐

助教臣常循覆勘

總校官進士臣朱鈐

校對官學正臣湯垣

謄錄舉人臣鰲圖

欽定四庫全書

文苑英華卷九百六十三

宋

李昉等

編

婦人一

周譙國公夫人步陸孤氏墓誌一首

周趙國公夫人紇豆陵氏墓誌一首

周安昌公夫人鄭氏墓誌一首

周大將軍隴東郡公侯莫陳君夫人竇氏墓誌一

首

周冠軍公夫人烏石蘭氏墓誌一首

周鄭國公夫人鄭氏墓誌一首

後魏荊州刺史賀拔夫人元氏墓誌一首

周長孫都督夫人羅氏墓誌一首

周拓拔儀同夫人尉遲氏墓誌一首

周柴驃騎夫人李氏墓誌一首

周譙國公夫人步陸孤氏墓誌銘

庾信

夫人諱某本姓陸吳郡人也大夫拓境百越來庭丞相
勒兵三江席卷高祖載為劉義真長史留鎮關中既沒
赫連因即仕魏臨終誠其子孫曰樂操土風不忘本也
言念爾祖無違此心祖政驃騎大將軍儀同三司恒州
刺史父通柱國大將軍大司馬文安公匡贊經綸參謀
揖讓名高廣武功重長平夫人七德含章四星連曜敬
愛天情言容禮典九日登高作銘秋菊三元告始或誦
春椒年十有四甥于譙國友其琴瑟愈恭節儉之心伐

其條枚實秉憂勤之德鄴地登高之錦自濯江波平陽
採桑之津躬勞蠶月天和元年冊拜譙國夫人東武亭
之妻既稱有秩南城侯之婦還聞受封柱國殿下以名
華分照增城峻土揚旌棘道問政邛都白狼之溪途艱
黃牛之坂荔枝之山地險葡萄之國夫人別離親戚關
河重阻夷歌一曲未足消憂猿鳴三聲沾衣無已一作有感
是以天厲之疾遂成沈痼玉瀝難開金膏實遠建德元
年七月九日薨于成都私第春秋二十有一即以某年

十一月二十二日歸葬長安之北原詔贈譙國夫人禮也殿下傷神秋月掩淚長松周季直之留書更深冥漠潘安仁之詞藻徒增哀怨豈直西河女子獨見銀臺東海婦人先逢金闕銘曰

芟疑陵反旆椒山止戈金精據嶺昌閣凌波西遊卿相

東裂山河華亭冠冕穀水絃歌震維徙族燕垂從宦塞入飛狐關連鳴鴈策預登阜功叅臨澗寶鼎留銘彫戈餘贊應圖淑令秉禮言歸魚軒馮軾澤雉文衣明月照

鏡仙石支機行雲細起迴雪輕飛北降帝子南麾蜀守
若水既開靈山已鏤月峽猿啼江神牛鬪星機北轉日
轡西迴陽泉伏氣陰律沈灰鶴辭吳市鳳去秦臺神光
離合燈影徘徊雙流反葬百兩迴旌少女離位夫人去
城帷堂野設帳殿郊營山川竒事風月無情搖落丘隴
荒涼封域樹樹秋聲山山寒色草短逾一作愈平松長轉
直節墳方固園陵永植

周趙國公夫人紇豆陵氏墓誌銘

前人

夫人諱含生本姓竇扶風平陵人魏其朝議列侯則莫能抗禮安豐奉圖功臣則咸推上席外戚列傳既聞建武之書仲山古鼎或表單于之獻祖略少保健昌郡公父織柱國大將軍太宗伯鄧國公孟津大誓常預同德之臣咸陽遠約克贊先登之主並得位入六府功叅八柄夫人有文在手有象應圖榮曜夙彰徽華早茂肅恭以禮受教於公宮言容以德有聞於師氏及乎進賢君

子內主邯鄲琴瑟在堂輜駟是服長久於節不無秋菊
之銘履端於始或有椒花之頌豈止莊姬掩淚一作楚笑

相知慙定姜問北齊兵不入武成二年冊拜趙國夫人
昔漢王聞立義之婦邑以延鄉齊侯見有禮之妻封之
石窳異代同榮差無慚德柱國殿下居若木之一枝在
天潢之別派揚旌玉壘驅傳銅陵南通向日之民東被
無龍之國夫人從政月峽贊德雲門錦濯江波還臨織
室山明石鏡即對粧樓既而玉律頻移金爐不變胡香

四兩嗟西域之使稀靈草一枝

一作
株

恨瓊田之路絕天

和五年四月二十二日薨于成都之錦城春秋二十餘
子荆之傷逝怨起秋風潘安仁之悼亡悲深長簟况復
仙臺永別無復簫聲傅母長歸惟留琴曲七年二月日
歸葬於長安之洪瀆原詔贈趙國夫人禮也雲雨初來
既留連於楚后光陰離合實惆悵於陳王銘曰

河西斗絕觀津狐起章武賢臣安豐賢仕木樓千仞金
山萬里紹慶邢姨基昌宋子施衿趙北侍姆秦南絃緹

禮數厭狄駢駢義超江汜仁流葛覃玉筐迎鷁金籠助
蠶敬愛純深端莊叔問有光國史無形喜愠舉案外恭
停機下訓馨馥於蘭年華於舜風雨消散神靈離絕婺
女還星姮娥歸月左楹夕奠高堂朝發空揚凌波更無
迴雪下濕曰隰高平曰原西臨水井北望塞門猶垂雉
服尚駕魚軒平原忽矣天道何言山迴地市路沒滕城
松悲鶴去草亂螢生新雲別起舊月孤明賢墳永式節
隴常貞

周安昌公夫人鄭氏墓誌銘 前人

夫人諱某滎陽陽武人也周宣王之母弟俾侯于鄭鄭
莊公之重世卿士於周以國為族自茲而始祖瓊太常
恭侯父穆司空貞公西京賦詩奉常參栢梁之宴東都

言讖司空為武衛

一作玄武後漢王梁傳赤伏符曰王
梁主衛作玄武玄武水神名司空水土

也官之官籍連帝譜既同盤石門稱通德無廢儒林夫人

禮義閨門端莊令淑采采芣芣萋萋葛覃及乎作配君
子言事舅姑下氣怡聲承巾奉帚親戚惟禮閨門以睦

保定二年冊拜滎陽郡君序戚升榮從夫有秩豈惟立

義

一作德

之婦邑以延鄉有禮之妻封之石窆大將軍沈

犀二江夫人聞猿三峽明月靈關之阻秋風蜀道之難
掩以瑤華先從春露天和十八年五月二十日薨于成
都春秋三十六年詔贈安昌國夫人禮也即以其年十
一月十六日歸葬于咸陽之白起原遂使山迴反壤先
封節婦之陵日入虞淵實掩賢姬之墓嗚呼哀哉乃為

銘曰

天河開國分畿置政地有十城人居九命疇昔之邑今
茲成姓識履傳風參與留慶三星在戶百兩言歸虔恭
內政榮曜中闈承姑奉盥訓子停機桑園蠶績錦室鸞
飛珩璜節步藻火文衣巴水幽咽猿鳴斷絕月落珠傷
春枯桂折趙琴長辭秦簫永別貞姬掩隧節女封墳洛
濱無月荆臺失雲鳥悲傷聽松聲愴聞千年遂古百代
餘芬

周大將軍隴東郡公侯莫陳君夫人竇氏墓誌

銘

夫人諱某扶風平陵人也章武開國名高外戚之右安
豐入朝位在功臣之上祖以孝昌之始主諾淮陽父以
正光之初褰帷海岱夫人生於禮義之門宗於箴誡之
德虔恭惟禮令淑惟儀及乎百兩言歸三星在戶箴盟
禮記始事條枚是則有子從政猶無逸豫之心有夫出
作管征自識山陵之兆大統十六年冊授永安郡君婦以夫
尊親由子貴朝章家慶一作承兼而有之保定二年改

家之慶

授隴國夫人車服禮數禋禘典則有美河魴足光彤史

既而風霜所及

一作厲

灰棺遂侵與善何言至于大漸天

和六年四月七日薨春秋六十有六即以其年十月十

日遷葬於咸陽萬年

一作石安堂唐書地理志咸陽無石安縣而此卷元氏誌文云咸陽

石安縣之杜原山形起伏既符白鶴之祥地勢風煙乃

合青鳥之氣銘曰

觀津世族平陵豪姓四侯登仕三君從政白狼建功丹

蛇襲慶漢之廣矣先聞淑令君子朝端賢才家政簪珥

以禮軒車以命讓果成庶推珠止競百年超忽千金莫
恃室謝賢夫庭辭貴子歸鞶輟露采繁廢祀室委眠蠶
衣留畫雉一作元衣
苗雉非雲垂下澤日掩高春空帷舊館虛
幕新封山迴廣柳路沒深松遊魂幾變大人何從

周冠軍公夫人烏石蘭氏墓誌銘

前人

夫人諱某樂陵人也晉司徒樂陵公苞後子孫就封因
即家焉扶風舊城猶存鈇市河南故墅尚餘金谷或寓

燕陲仍仕代郡祖行代郡尹父魏司空蘭陵郡公司空
佐命魏朝少傅丞疑周室並為大族俱蒙賜姓秦晉匹
也是曰通家夫人年十七歸于宇文氏淑令端莊含章

貞吉箴盟

禮記
作管

惟儀閨闈已正某年除金鄉郡君某年

改授冠軍國夫人四德小君宜其家室三事內主翻辭
贊務以保定五年四月邁疾薨時年四十有四即以其
年某月日歸葬於京兆之某原人世風煙山川超忽陵
波青麥儻逢貞女之墳隴首白楊或表賢姬之墓乃為

銘曰

三星麗天五岳鎮地禮有其秩人居其位燕趙多奇山
川雄氣挺茲令淑惟此含章玉生庭照蘭開室香邢姨
聚服宗子河魴百兩言歸九儀從聘禴狄七彩軒車六
命鼎室辭親槐庭贊政世為閩水人成大夢迴帳山門
移燈泉洞金棗長含銀蠶永送香填栢榔路閉松城悲
驚獨影雄劍孤鳴留連趙琴悽愴秦笙

周太傅鄭國公夫人鄭氏墓誌銘

前人

夫人諱某滎陽開封縣遠里人也七子賦詩足光賓客
三卿從政實靜諸侯驂乘則晉后停輿來朝則漢君識
履華胄蟬聯無虛史籍祖那秦州別駕父茂伯撫軍將
軍涼州刺史伯陽縣侯夫人令淑早聞芝蘭獨茂既容
既德言告言歸悌實溫清恭惟箴盥禮記作管太傅弼諧周
室股肱攸寄夫人輔佐君子勤勞是司琴瑟既友條枚
無伐故得用之邦國成之孝敬某年月日封鄭國夫人

諭狄既加絃緹是務夫人

疑衍

有安世之貴躬服浣濯子

有文伯之尊無忘機杼表裏惟安閨門且正醫門有疾

藥對無徵天和三年三月二十日薨葬于長安之石安

原世子某兄弟並勗慈訓咸遵母儀霜露深悲寒泉增

慟銘曰

居德圃田當官教府置騎賓來開黌學聚福履家室賢

才踵武宗棣之華螽斯之羽人倫七德風化二南采采

采芣萋萋葛覃節行馨玉副加

一作芽

加蓼

一作副加

柳園

秉杼桑津浴蠶春秋超忽零落無一作非時家亡淑女國
喪賢姬香墳永送舞鶴長辭山深月闇風急松悲千年
開閉將驗靈龜

後魏驃騎將軍荊州刺史賀拔夫人元氏墓誌

銘

在河之洲聞君子之配德言采其蕨

一作薄言采蕨

見夫人之

有禮用之風化人倫厚焉夫人諱安字大羅河南洛陽

人也祖某京兆康

或改作尹非

王父昭驃騎大將軍開府儀

同三司錄尚書司州牧汝陽郡王跗萼雄圖塔基霸迹
公御之室將相維國維家夫人能修法度無思犯禮恭
儉節用憂在進賢大統五年封安樂公主歸于賀拔氏
時年十三思事憂勤化成婦德彤管載暉棠棣早茂及
乎謳歌有歸禴狄降等輔佐君子猶安其室周天和元
年乃封章武郡君霜露不居風煙飄忽遘疾累旬奄捐
館舍以周天和四年二月二十六日薨於長安萬年里
春秋五十有二詔贈頓丘國夫人禮也即以其年三月

二十日歸葬於咸陽之石安原既異乘鸞翻然永去雖
非舞鶴即掩泉門欲誌佳城乃為銘曰

逝矣雄謀悠哉霸轍九服潛運三川中竭卿相連鑣賢

才舞疑絕琬琰令淑施衿結禱方之棠棣譬以螽斯既

全婦德還稱母儀遊疑作水滔滔危途冉冉問藥無對

蒸丹無驗狄服空陳絃機虛掩郭門路轉哀挽途窮隴

深結霧松高聚風春蘭秋菊唯始唯終

周大都督陽林伯長孫瑕夫人羅氏墓誌銘

前人

夫人諱某恒州代郡太平縣人祖某父協周大將軍南陽郡公夫人資於事親躬奉訓誡教於宗室足聞詩禮及乎言歸肅恭如事蘋藻維敬絃綖是勤內位克諧中閨以睦年齡不競霜露先侵更延無壽疑之杯遂闕長生之枕以周天和四年二月八日薨於長安之洪固鄉時年二十有三其年某月日葬於萬年縣之壽里山非宋國翻為節女之陵地異荆臺遂有賢妃之墓銘曰

畢狼建國靈武開都地接天柱山臨寶符人資義烈世
龔雄圖葛覃維萋棠棣早盛既安淑德爰從配命四教
弘宣三星克正霜凋桂苑風落芝田三從闕性五福傷
年歸安永絕言告長捐悽切郊野紆迴隰原風慘雲愁
松悲露泣朗月空嗟傷神何及

周儀同松滋公拓跋競夫人尉遲氏墓誌銘

前人

夫人諱某河南洛陽人也祖父太師柱國公魏室喪亂

經綸夷阻周朝建國匡翊揖讓圖牒帝系即有內外之
親分裂山河仍為舅甥之國夫人容範端莊儀型淑令
六義觀德南風有夫人之詩八卦成形東方有少女之
位外傳習言公宮教業箴禮記盟作管線纒佩悅蒞蘭年十
有二出適儀同拓跋競衣其翟服既得宗婦之儀乘其
魚軒還從列國之禮標梅三實無闕其時天桃九華能
修其政某年某月冊拜迴洛縣君母金明公主魏文帝
長女春則帝女採桑秋則王姬築館夫人出入主家遊

遊咸里濯龍園苑長門宮殿既而膏腴美疾一作疾華茂

傷年沈痼牀帳蒸離寒暑三世之術無乏一作迨於醫門

百草之本途疑窮於藥性建德三年五月七日亡春秋

三十昔西河女子值九節之菖蒲東海婦人得三山之

芝草無由再遇悲矣如何即以其年十一月十五日葬

於京兆之北陵原龜筮告辰丘陵戩奠西臨織女之廟

南望湘妃之墳嗚呼哀哉乃為銘曰

父曰帝師母曰王姬車服不繫江漢無思是生令淑觀

禮敦詩聲超宋子德茂邢姨繼世盛德思賢克舉奠鴈
迎門儒一作襦是頻實俎奉盥如事移茵即序春永浴蠶秋

機秉杼帝鄉近親帝城近臣濯龍親戚平陽主人金波
迴月玉樹臨春弄玉鳳凰昌容紫草自此千年無人得
道舜華榮耀飄零何早渭水北原平陵故園纔通谷口
即望寒門吁嗟此地去矣歸魂孟冬十月長松九年親
賓掩淚悽愴何言

周驃騎大將軍開府儀同三司冠軍伯柴烈李

夫人墓誌銘

夫人諱某隴西狄道人也周有柱史夫子以之猶

一作見

龍漢有將軍宛城以之輸馬復有西入上書仍為秦國
之相東向問計即是韓王之師父宜使持節大將軍南
北二華州刺史順陽郡公魏武皇帝之長舅也襮侯魏
冉居咸陽之宮曲陽王根借明光之殿語其貴戚差足
擬倫論其退讓彼多慚德夫人幼而聰敏早聞令淑彤
管有美賢才見稱弄其紙筆懼失諸兄之意剪其

一作歲

韶齡

二字疑

畏傷王母之心年十有一出適驃騎大將軍

開府儀同柴烈烈以上將頌朔

一作領胡

中台受任軍國忠

勤規模繁總夫人輔佐君子言容匡贊增曜三星欽明

四德授巾沃盥有謹於事姑斷織停機無忘於訓子保

定二年冊授大夏縣君既以夫尊又云子貴乃遷順陽

改郡君夫人之邑或用鄉名小君之號多從夫秩典冊

光臨足稱榮寵本有風氣之疾頻年贈動略多枕卧飛

龜之散遣疾無徵畫龍之符留年不驗以今建德四年

三月日薨于館舍春秋四十九即以其年八月日葬於
長安之洪瀆原神光離合尚在河湄雲氣徘徊猶歸樓
下嗚呼哀哉乃為銘曰

上書秦相立功漢將隴水分流秦川遙望秋陸俗勇金
行地壯廣武軍中安平河上妻者齊也謂嫁曰歸三星
夜照百兩朝飛禴狄有典容禮無違台庭等秩一作侯

一作服同衣子奉母儀夫聞家政七族承和九閨連慶

紛悅恭肅溫清孝敬杼秉秋成蠶隨春令年華未落電

影先過徒飡日氣空
飲天河星凋玉井月
捐金波虞淵落日薤
露哀歌寂寞虛奠荒
涼象設幽隴龜封重
泉蟻結秋色悽愴松
聲斷絕百年何幾歸
於此別

文苑英華卷九百六十三

欽定四庫全書

文苑英華卷九百六十四

宋 李昉等 編

婦人二

彭城公夫人爾朱氏墓誌一首

東平夫人李氏墓誌一首

李參軍妻張氏墓誌一首

館陶郭公姬薛氏墓誌一首

高明府妻宇文氏墓誌一首

崔主簿妻劉氏墓誌一首

節愍太子妃楊氏墓誌一首

彭城公夫人爾朱氏墓誌銘 庾 信

夫人爾朱氏河南洛陽人也若夫陰山表裏衝北斗之
機衡瀚海彌綸直西街之畢昴四時銜火燭龍開照地
之光六月搏風大鵬運垂天之翼由是奄有京縣遂荒
中土車書禮樂三王之損益可知將相公侯百代之山
河不殞祖敬隋儀同三司金紫光祿大夫岐同金申信

臨徐七州總管兵

集作藩

部尚書金

集作邊

城郡開國公天

列尚書之星地標光祿之塞出身萬里知呂岱之元勳

專命一方識劉弘之重寄父休最隋左千牛備身朝散

大夫齊王府司馬襲封爵金

集作邊

城公大夫稱伐諸侯

昨土淮仙致雨仍攀桂樹之山楚客臨風更入芙蓉之

水夫人玉臺貞氣金河仙

集作靈

液蔡中郎之女子早聽

色絲謝太傅之閨門先揚麗則彭城公發源殷伯承家

漢相山川氣候彰白武於臯陶象緯休徵下蒼龍於曼

倩三星照夜佇稽鳴鴈之期七日秉秋坐薦飛皇之兆
夫人年甫十八遂歸於我巫山南眺逢暮雨於瑤姬華
嶽西臨降明星於玉女動合詩禮言成軌則晨昏展敬
事極於移天蘋藻挈誠義申於中饋女郎砧石響明月
而思秋風織婦集作女機杼聽寒蛩而催絡緯用曹大家
之明訓執宋伯姬之貞節加以心依八覺理會三空遊
智刃於檀林泛仙舟於法海幾神獨照點言象而無施
空有蕪忘東筮蹄而不用人生天地壽非金石銀臺竊

藥想奔月而何年金殿

一作玉釜
集作金釜

煎香思反魂而無日

以某年月日終于平康

集作原

里之私第越上元三年十

月二十日合葬于城南之畢原禮也齊侯寢側杜氏階
前對文王之畢原用周公之合葬偃松千古長無寡鶴
之悲文梓百尋還見雙鴛之集其銘曰

合葬非古周公所存死生千載棺槨雙魂野曠風急天
寒日昏煙霾杳嶂霧失遙村紀黃絹之碑表對青松之
墓門

伯母東平郡夫人李氏墓誌銘 前人

夫人姓李氏隴西狄道人也自涼武昭王以後一門三公為四海著族國史家諫詳之矣祖克穎後周大將軍涇州刺史流江郡公考玄明皇朝上儀同闕濟三州刺史成紀縣男出入三朝剖符分竹秦隴河濟之地人到于今稱之天下士大夫知與不知莫不想望其風采夫人生而純深幼而恭敬長而敦睦成而和惠年及初笄甫歸於我執箕箒奉舅姑人不間於其娣如妾媵之言

閨門之內穆如也故宗黨推其令問鄉閭以為美談東平公守清白之基逢太平之日辟命交至聲聞於天制

集作詔

徵尚書郎遷御史中丞出為棣曹恒常四州刺史

夫人輔佐君子聿修內政平旦纚笄則有君臣之嚴沃盥饋食則有父子之敬報友而行則有兄弟之道受期必誠則有朋友之信其婦德也如此歷職中外聲名籍甚和其琴瑟正其邦家者夫人與有力焉蓋嘗喟然而言曰古者卿之內子為大帶命婦成祭服社而獻功可

不勗哉可不勗哉由是服澣濯之衣躬紡績之事筐筥
錡釜之器所以執其勞蘋蘩蘊藻之菜所以明其德非
夫博文達禮貞婉聽從者孰能與於此乎及公乞骸告
老退歸初服夫人年踰耳順視聽不衰每獻歲發春日
南長至羣從子弟稱觴上壽者動至數十百集無此字未嘗
不勸一作歡言善誘借以溫顏侃侃焉閤閤焉有益母之
風焉有敬姜之誨焉維永淳元年秋八月旁死魄寢疾
彌留終於華陰之望仙里享年八十有一冬十一月一

日景辰遷窆於永豐鄉之平原從先兆也東平公撫存
懷舊用痛悼于厥心遠近咸集宗親畢會生祭死哀其
此之謂矣是日也皇太子監守長安炯忝為詹事司直
不獲就展集作喪次陪奉靈輶敢薦李顥之文庶同潘
岳之誄嗚呼哀哉乃為銘曰

高岳之上浮雲翔兮函谷之外真氣揚兮建功北漠討
西羌兮受封南鄭家素昌兮於赫祖考為龍光兮牧州
典郡佩銀黃兮降生淑質秉禎祥兮苕華菊茂蘭若芳

兮我有懿德如珪璋兮求之卜筮鳴鳳凰兮君子至止

玉環鏘兮室家好合琴瑟張兮執其麻枲供衣裳兮羞

其饋食澄酒漿兮諸姑伯姊穆溫良兮姨姒叔妹歡未

央兮公之出門收守四方兮夫人之化德洋洋兮公之

告老返維桑兮閨門之內道彌彰兮正月上日南至長

兮子孫歡慶各稱觴兮宋公集作云孟母魯季姜兮匪怒

伊教由舊章兮方期高舉登紫房兮誰謂不宜集作冥然掩

玄堂兮肅肅松檟鬱成行兮沈沈厚夕集作穿終不暢兮

袁州參軍李府君妻張氏墓誌銘

陳子昂

夫人諱某清河郡東武城人

集有也字

昔軒轅錫胤弧矢崇

威畏其神者三百年得其姓者十四族金貂七葉漢天

子之忠臣鼎足三公晉武皇之名相孤卿玉帛世有其

庸曾祖某北齊大常卿徐兗二州刺史天人之禮位掌

於秩宗侯伯之尊寵優於露寃祖某隋汾陰壽春陽城

三縣令襲公侯之瑞屈銅墨之班士元非百里之才太

丘有三台之望父某唐戶部侍郎復亮建三州刺史尚書北斗始贊於南宮方岳專城終榮於獨坐夫人即刺

史

集作使君

之第若干女也稟柔成性蘊粹含章承禮訓於

公宮

集作庭

習威儀於壺則夫其窈窕之秀燕婉集作婉變又作

婉

之姿貞節峻於寒松韶儀麗於溫玉鉛華不御飾環

佩之容浣濯是衣勤黼黻之彩自作嬪於君子主中饋於家人三千之禮不違九十之儀無慝至乃恭於奉上順於接下仁孝以承宗祀慈惠以睦閨門則雍雍蹒蹒

必由其道矣嗚呼府君不造邁此閔凶中年不淑

集作圖

早世而殞青松摧折哀斷女蘿之心丹節

集作桂

孤高終

守栢舟之誓而府君食先人之德無厚生之財夫人徇

黔婁之貞闕丹臺之產孀居永日

一本作歲

蓬首終年處貧

素而彌堅保幽芳而不昧始府君之逝有四子焉少遭

罔極之哀未奉過庭之訓夫人保持名教終始禮經既

勛之以義方又申之以遠大皆能率由慈訓克荷家

集作

嘉聲箕裘之業載隆燕翼之謀不隕非夫淑明賢德

集作

懿聖善溫良崇婦道之深規弘母儀之至範孰能昭宣

令聞若此

集作斯

之盛哉彼蒼不忱殲我眉壽春秋若干

載初元年月日遘疾終于洛州某里之私第嗚呼哀哉

夫人令儀有穆惠問無喧敦雅志于詩書婉婉

集作嫺

于琴瑟若乃姆師酒食之儀女工纂組之繁莫不總制

清衷弘宣懿則茂蘋蘩之雅韻

集作訓

叶沼沚之芳猷雖

古稱敬姜詩云淑女論容比德殆無以過穠華不居松

扃永閔嗣子某等悲摧藥棘思結寒泉永惟同穴之儀

仰遵歸祔之典以大周天授三

集作二

年二月日朔祔于

集作於

袁州府君之舊塋禮也合葬非古奉周公之儀墓

而為墳宗仲尼之訓嗚呼鴛鴦之樹眇泣於松楸鼓吹
之山緬然於丘隴原陵何代銘誌無文有哀黃鳥之詩
遂勒青鳥之兆銘曰

詩云淑女君子好逑

集作求非

懿哉令德嘉儀聿修溫容玉

映峻節松楸妙心彤史潔志玄猷昭宣壺則惠穆蘋洲
共伯早逝貞姜獨留莞居蓬首哀深栢舟彼蒼不憖此

夜長幽懷南風之吹棘相集作想北山以同丘青春兮白

日獨昭昭以悠悠

館陶郭公姬薛氏墓誌銘 前人

姬人姓薛氏東明國王金氏之胤也昔金王有愛子別食於薛因為姓焉世不集無此字與金氏為姻其高曾皆金

王貴臣大人也父承集作永沖有唐高宗時與金仁肝本作仙

問歸國帝疇厥庸拜左武衛將軍姬人幼有玉色發於

穠華若彩雲朝升微月宵映也故家人美之少號仙集作

人字子聞羸臺有孔雀鳳凰之事璉情悅之年十五大將

軍薨遂剪髮出家將

川本無將字

學金仙之道而見寶手菩

薩靚

集作靜

心六年青蓮不至乃謠曰化雲心兮思淑貞

洞寂滅兮不見人瑤草芳兮思氤氳

集作芬藍

將奈何兮青

春遂返初服而歸我郭公郭公豪蕩而好奇者也雜佩

以迎之寶琴

集作瑟

以友之其相得如青鳥翡翠之婉孌

矣華繁絕

集作艷

歇樂極哀

集作悲

來以長壽二年太歲癸

巳二月十七日遇疾卒

三字集作遇暴疾而卒

於通泉縣之官舍

嗚呼哀哉郭公恍然猶若未亡也寶珠以含之錦衾而

舉之故園

集作國是

途遙言歸未迨留殯於縣之惠普寺之

南園不亡貞也銘曰

高丘之白雲兮願一見之何期哀淑人之永逝滅

集作感

紺園之春時願作青鳥長比翼魂魄來兮

集作歸來

遊故園

陳州苑丘縣令高府君夫人河南宇文氏墓誌

銘

前人

夫人諱某河南郡人也昔吾君夏后氏之子霸有幽都

皇運北興鼎國

盱本作圖

南起開寶符而帝天下撫璿璣而

主中國則後周之受命武帝之雲孫夫人四代祖也曾

祖某失周子之封亡山陽之國雖在

集作存

天子之膺已

是

集作類

咸陽布衣植德早天祖某隋朝官資至

集無此二字

澧州澧陽縣令父某龍州司法皆承家席寵世有令名

夫人賁穠華龔繁祉崇徽蕙穆秀色茗榮自于幼年有

令儀也十四適于高府君夫其溫慈惠和忠信肅穆

集作

信肅行有法度動有禮經嚴恪以理家人憫

集作嫺

瑟以

和君子則以

集作已

含乎光大矣若乃宗廟哀敬仁孝也

娣如祗和謙順也蠲潔酒食婦儀也黼黻玄黃女工也

弘此四德而務六親鞶帨以文之雜佩以發之猗可以

作範母儀昭宣壺則矣至於訓子以睦教女以順愛下

以慈與人以讓外以贊府君之德內以光中饋之政皆

日聞其進不見其退也嗚呼仁而不壽生而

集作也永終

永淳元年某月遇疾終於

集作于

苑丘縣之官舍時年二

十七嗚呼哀哉高府君尋以公

集無此字

事罷職山塋未卜

旌旄來歸府君思北海之魂留東園而殞日月遂往九

歲于茲府君乃

集作方

崇樹先塋增封舊域以大

集無此字

周

天授三

集作二

是年太歲辛卯二月癸卯啟殯于

集作於

東園

遷祔於洛州某原禮也哀哉夫人雅有高行終而不忘

以為厚葬非禮也是以珠玉不飾塋瓦是藏高府君聿

遵其志率以薄葬於戲非古之明德淑女金玉其光孰

可

集無此字

躋之吾忝門閭之賓覩其家道矣雍穆懿鑠

實有清風故叙之而未克德也銘曰

夭夭桃李有花兮灼灼淑人宜家兮修睦婦道不譁兮
窈窕孀儀孔嘉兮何榮采之方茂兮而云落兮吁嗟集作

而云亡
兮咨嗟

司屬主簿博陵崔訥妻劉氏墓誌銘

張說

夫人劉氏其先彭城人也隋毗陵郡通守字集無此字子將

之曾孫唐滁州刺史德祖之孫汾陽集作州刺史延嗣之

女子集作也昔武子處秦厥初命集作令氏元王國楚是為

昌族盛德之門龍驥接彩世祿之由龜虎聯華夫人璇

室載蘭蕙林層秀啗啗黃鳥豔豔清月

集作明

詩說禮

集作聞

詩聞禮竊比諸生茂行淵心實稱士母

集作女是

及鳳飛啟

繇夫婦盡琴瑟之和鷄鳴咸纚舅姑移橋

集作喬

梓之敬

友愛洽乎如媵任恤周乎姻戚豈惟禮備澄幕工深機

杼固以能循法度宜其室家矣年若干以大定元年七

月某日寢寐

集作疾

而卒粵二十九日某辰假奠於某里

夫國喪賢嬪家亡淑媛母氏垂白殞

集作殞

奮所懷稚子

始孩剪

集作翦

馬無恃

集作倚

嗚呼天道輔仁人道與順眷

茲七德不遐三壽何哉報應之理豈神食所

集作其

言脩

短之期將事歸於命外姻畢萃累歎不足夫人即吾姨

也今薄譔素履永刊幽石國史之外有美存焉其銘曰

崔實齊胄劉亦漢宗崇其顯構望乃偶

集作偶族

雙閭闡是

穆饋奠斯恭貞歌浮漢孝室洄

集作洞

江珪璋其節桃李

其容宜享偕老胡寧鞠凶朝槿飛陌春蘿墜松夫傷子

慕去此何從百歲之後魂兮合封

節愍太子妃楊氏墓誌

前人

開元十有七

集作五

年二月癸未中宗節愍太子妃楊氏

薨於京師太平里第之內寢越五月景申詔葬於新豐之細柳原黃陵不從古之道也嗚呼哀哉妃氏之先代

居河華赤泉啟國清白傳家東都之公胄西晉之后族

高祖士達隋開府納言天授中以孝明高后

集作氏非之父

追封鄭王贈太尉曾祖緘隋符璽郎抗節王充朝廷旌

載

集作聖朝旌義

贈靈州刺史祖全節左內率贈魏州刺史考

知慶千牛豹韜二將軍若夫軒冕王官同許史之繁漢
婚姻帝室比姜媧之宜周是故二華降靈五河飛譽拜
玉冊於文廟儷金璽於青宮入參視膳之儀出友元真
之樂禮陪璽館祭服始於北郊詩贊鸛巢王化終於南

國豈知言

集作諫

違鬪水神往邛

集作郎

山七日之望不歸

千秋之言何及於是視身知苦幽探白馬之偈覺心等

空坐證青蓮之葉久以橋

集作喬

木無怙栢舟早誓棣華

集作

先落聖善相依闔門正家稱未亡而全禮高堂終

養不勝哀而遂絕此又禮外之禮孝中之孝者也初上
在東宮時妃有女弟選為良媛生忠王卜者曰不宜養

爰自襁褓命妃舉字

集作

及開元正位良媛為嬪而卒

妃之視忠王也隱覲之訓誨之竭從母之仁慈倍猶子
之珍愛忠王之託妃也敬愛焉聽順焉生盡因心之樂
沒過如母之感且夫慈懋鞠育孝思顧復仁叶恩親愛
備恭睦成天下之百行致生人之五福斯蓋皇極之端
國風之首者矣湖陽王當小宗之祭

集無此
二字非

元妃之喪

故喪挾兩

集作二

孤而祭殷二國何必鼓吹山上遙傳慈

母之名石闕廟中獨立少姨之像史官承詔勒銘沈碧

詞曰

太華北足長河東肘總粹陰靈妃德儲后鳴美玉佩烟

光金鈕貴嬪長姨寵王從母永訣上賓死孝哀親顧懷

孺子忍別天人昔貞萬國今撫百神泉燈我夜宮樹他

春陵

集作陸非

麥秀兮漸漸隴月生兮纖纖霸岸

集作玄灞

去兮

無還日青門絕兮不

集作無

可瞻石獸澁

集作古

兮綠苔黏

宿草殘兮白露霑園寢閉兮脂粉膩不知人兮閉鏡奩

文苑英華卷九百六十四